



Trg Pravde 12, 76100 Brčko distrikt Bosne i Hercegovine; tel: 049/216-081; faks: 049/219-063; e-pošta: asbd@asbd.ba
Трг Правде 12, 76100 Брчко дистрикт Босне и Херцеговине; тел: 049/216-081; факс: 049/219-063; е-пошта: asbd@asbd.ba

Broj: 097-0-Su-26-000210
Brčko, 26.03.2026. godine

Apelacioni sud Brčko distrikta Bosne i Hercegovine, predsjednik suda Damjan Kaurinović, na osnovu člana 25. Zakona o sudovima Brčko distrikta Bosne i Hercegovine - prečišćen tekst („Službeni glasnik Brčko distrikta BiH“, broj 18/20) u postupku implementacije Zakona o zaštiti ličnih podataka Bosne i Hercegovine („Službeni glasnik BiH“, broj 12/25), donosi

PRAVILA PRIVATNOSTI

Cilj Pravila privatnosti Apelacionog suda Brčko distrikta Bosne i Hercegovine (u daljem tekstu: Sud) u skladu sa članom 14. Zakona o zaštiti ličnih podataka Bosne i Hercegovine (u daljem tekstu: Zakon), je da svim licima, čije lične podatke obrađuje, pruži osnovne informacije o navedenoj obradi na transparentan način.

Pravila privatnosti se primjenjuju na sve lične podatke koje Sud prikuplja, upotrebljava ili na drugi način obrađuje, direktno ili putem drugih kontrolora.

Lični podatak je svaki podatak koji se odnosi na fizičko lice čiji je identitet utvrđen ili se može utvrditi.

Obrada ličnih podataka je svaki postupak ili skup postupaka koji se obavlja na ličnim podacima ili na skupovima ličnih podataka, automatizovanim ili neautomatizovanim sredstvima kao što su prikupljanje, evidentiranje, organizacija, strukturiranje, čuvanje, prilagođavanje ili izmjena, pronalaženje, ostvarivanje uvida, upotreba, otkrivanje prenosom, širenjem ili stavljanjem na raspolaganje na drugi način, usklađivanje ili kombinovanje, ograničenje, brisanje ili uništavanje.

Kontrolor podataka je fizičko ili pravno lice, javni organ ili nadležni organ koji samostalno ili s drugim određuje svrhe i sredstva obrade ličnih podataka.

1. Pravni osnov za obradu ličnih podataka

Vaše lične podatke Sud obrađuje u skladu sa članom 8. stav 1. tačka c) i e) Zakona, izvršavajući svoje pravne obaveze i ovlaštenja.

2. Svrha obrade ličnih podataka

Nadležnost, unutrašnje uređenje i rad Apelacionog suda Brčko distrikta Bosne i Hercegovine regulisani su Statutom Brčko distrikta Bosne i Hercegovine - prečišćen tekst („Službeni glasnik Brčko distrikta BiH“, broj 2/10), Zakonom o sudovima Brčko distrikta Bosne i Hercegovine, Zakonom o postupku ocjene usklađenosti pravnih akata Brčko distrikta Bosne i Hercegovine („Službeni glasnik Brčko distrikta BiH“, broj 20/10) i Pravilnikom o unutrašnjem sudskom poslovanju („Službeni glasnik Bosne i Hercegovine“, broj 66/12, 40/14, 54/17, 60/17, 30/18, 83/22, 1/23 i 79/25).

Apelacioni sud Brčko distrikta Bosne i Hercegovine je nadležan:

- da odlučuje o redovnim pravnim lijekovima izjavljenim na odluke Osnovnog suda i
- vanrednim pravnim lijekovima izjavljenim na pravosnažne sudske odluke,
- da štiti prava i slobode zagarantovane Ustavom Bosne i Hercegovine, zakonima Bosne i Hercegovine, zakonima i Statutom Brčko distrikta Bosne i Hercegovine,
- da u postupcima koje vodi u skladu sa zakonom štiti prava data Evropskom konvencijom o ljudskim pravima i osnovnim slobodama u skladu s postupcima koji su predviđeni zakonima distrikta,
- da odlučuje da li je bilo koji zakon distrikta, podzakonski akt ili bilo koji drugi pravni akt bilo koje institucije distrikta u skladu sa Statutom,
- da odlučuje da li je bilo koji podzakonski akt distrikta ili bilo koji drugi pravni akt bilo koje institucije distrikta u skladu sa bilo kojim zakonom distrikta,
- da odlučuje o sukobu nadležnosti između sudova distrikta i druge institucije distrikta ili između institucija distrikta u skladu sa Statutom,
- da sudsku odluku može preispitivati samo nadležan sud povodom pravnih lijekova u zakonski propisanom postupku,
- da u stvarima iz svoje nadležnosti sud pruža pravnu pomoć drugim sudovima u Bosni i Hercegovini i inostranstvu u skladu sa zakonom i međunarodnim sporazumima i
- Sud je ovlašten zahtijevati od drugih državnih organa da mu dostavljaju obavještenja koja su mu potrebna za vođenje sudskog postupka.

3. Prava nosilaca podataka u vezi sa obradom ličnih podataka

- **Pravo na pristup ličnom podatku** – u okviru ovog prava mogu se tražiti informacije o svrsi obrade, kategoriji ličnog podatka koji se obrađuje, predviđenom roku u kojem se čuva lični podatak, primaocu ili kategorijama primalaca kojima je lični podatak otkriven ili će biti otkriven. Pristup ličnom podatku može biti ograničen samo u slučajevima kada je posebnim zakonom propisano ograničenje.
- **Pravo na ispravku ličnog podatka** – pravo zahtijevati ispravljanje ili dopunjavanje netačnog ličnog podatka, ako podatak nije tačan ili potpun. U zahtjevu navesti šta nije tačno i potpuno, te u kojem smislu bi trebalo navedeno ispraviti, te dostaviti potrebnu dokumentaciju u prilog svojih navoda.
- **Pravo na prigovor** – pravo u svakom trenutku podnijeti prigovor kontroloru podataka na obradu ličnog podatka u skladu sa članom 8. stav 1. tačke e) ili f) Zakona, uključujući profilisanje zasnovano na tim odredbama.

- **Pravo na brisanje** – ako lični podatak više nije potreban za svrhu za koju je prikupljen, ako je nosilac podataka povukao saglasnost na kojoj je obrada zasnovana, ako je nosilac podataka uložio prigovor na obradu u skladu sa članom 23. stav 1. Zakona i ne postoje zakonski razlozi za obradu ili je nosilac podataka uložio prigovor na obradu u skladu sa članom 23. stav 2. Zakona, ako je lični podatak nezakonito obrađen, ako ne postoje drugi pravni osnovi za obradu podataka.
- **Izuzeci za ostvarivanje prava na brisanje** – radi ostvarivanja prava na slobodu izražavanja i informisanja, radi poštivanja zakonske obaveze kojom se zahtijeva obrada propisana posebnim zakonom, a koja se primjenjuje na kontrolora podataka ili radi izvršenja zadatka koji se obavlja u javnom interesu ili u izvršenju službenih ovlaštenja dodijeljenih kontroloru podataka ili radi izvršenja zadatka koji se obavlja u javnom interesu ili u izvršenju službenih ovlaštenja dodijeljenih kontroloru podataka, u svrhu arhiviranja u javnom interesu, u svrhe naučnog ili istorijskog istraživanja ili u statističke svrhe u skladu sa članom 56. stav 1. Zakona, u mjeri u kojoj je vjerovatno da se pravom iz stava 1. može onemogućiti ili ozbiljno ugroziti ostvarivanje ciljeva, te obrade ili radi postavljanja, ostvarivanja ili odbrane pravnih zahtjeva.

4. Sigurnost ličnih podataka

Podaci se obrađuju tako da se osigurava odgovarajuća sigurnost ličnih podataka, uključujući i zaštitu neovlaštene ili nezakonite obrade i od slučajnog gubitka, uništenja ili oštećenja primjenom odgovarajućih tehničkih ili organizacionih mjera.

5. Prenos ličnih podataka drugim kontrolorima podataka

Lične podatke Sud prenosi drugim kontrolorima podataka – pružaocima informatičko-komunikacionih usluga sa kojima ima sklopljen ugovor na način da se poštuju pravila postupanja sa ličnim podacima, Lične podatke Sud će dati trećoj strani ukoliko je to potrebno za izvršavanje zakonom propisanih obaveza treće strane ili ukoliko je to neophodno za izvršavanje legitimnih interesa treće strane.

Lične podatke Sud neće prenositi u svrhu direktnog marketinga.

6. Vremenski period čuvanja ličnih podataka

Lični podaci se čuvaju onoliko koliko je potrebno za svrhu zbog koje se obrađuju. Lični podaci mogu se čuvati i duži vremenski period, nakon prestanka svrhe za koju se obrađuju, a čuvaju se u arhivi onoliko vremena koliko obavezuju zakonski propisi o arhivskoj građi.

7. Podaci o službeniku za zaštitu ličnih podataka

Suzana Mitrović, diplomirani pravnik, zaposlena na radnom mjestu Stručni saradnik u Apelacionom sudu Brčko distrikta Bosne i Hercegovine

e-mail: s.mitrovic@asbd.ba

Tel: 049/216-081 lokal 212

Službenik za zaštitu ličnih podataka ne daje pravne savjete drugim kontrolorima i obrađivačima podataka. Osnovna uloga službenika je davanje savjeta i preporuka o obradi ličnih podataka rukovodstvu i zaposlenicima Suda koji rade na poslovima obrade ličnih podataka, te nosiocima ličnih podataka čiji se lični podaci obrađuju od strane Suda.

8. Kontakt informacije

Apelacionog suda Brčko distrikta Bosne i Hercegovine
Trg Pravde broj 12, 76100 Brčko

e-mail: asbd@asbd.ba
Tel: 049/218-061
Fax: 049/219-063



PREDSJEDNIK SUDA

Damjan Kaurinović